

Nelson Oduber kier mira: Con Minister Tico Croes lo manda e 30 coordinadornan di Minister Lili Beke cas

ORANJESTAD(AAN) -- Si man pasa diabierna Minister Tico Croes a anuncia un serie di medida cu gobierno a tuma pa baha su gastonan. Un di e medidanan ta e paro di personal.

Relaciona cu esaki, Parlamentario y lider di MEP, Nelson Oduber a bisa cu e ta considera esaki un hilaridad di Minister Tico Croes.

Segun Oduber, Minister Tico Croes mes a cana den campaña ta priminti cantidad di votador trabao, tin cu el a priminti cu nan lo bira coordinador. Oduber kier sa ta con Croes ta bay haci cu e promesanan ey.

Eleccion tabata 12 December 1997 y a dura mas cu 6 luna pa forma gobierno y toch e mas cu 200 coordinadornan a keda cu nan trabao, 25% extra toelage, celular, V-wagen, gasolin, telefoon, cuminda y bebida cu nan ta firma den restaurantnan etc.

Oduber a señala cu pa nombra un caya so Minister Tico Croes a gasta mas cu 20 mil florin na cuminda y bebida. Esey MEP ta yama campaña riba custia di pueblo. E ta puntra si pueblo lo kere cu Tico Croes lo manda e casi 30 coordinadornan di "close the circle" woman sra. Lily Beke cas.

Si ni e contract di Baptist Hospital AVP no por a anula cu 10 asiento den Parlamento unda MEP a yuda cu 9 asiento pa un total di 19 dia 17 di Maart 1998 den un mocion, anto e siman cu a pasa AVP a pidi OLA pordon, hinca rudia, guli tur nan palabranan y hala aden e mocion pasobra sino no tin gobierno.

Oduber a remarca cu ni esey AVP cu 10 asiento no por a impone riba OLA anulando e contract desventajoso pa pueblo lo Baptist Hospital, ta unda Tico Croes ta saca e corahe politico pa manda casi 200 coordinadornan cu OLA tin cas.

Di momento cu esey sosode no tin gobierno pasobra pa simpel reunion di Comision Central pa trata concepto di leyman di señora Van Lis mes Glenbert Croes y lider di fraccion di OLA Willem Vrolijk a laga sa cu si e reunion no tuma lugar diabierna no tin gobierno.

Despues cu OLA a mira cu Edwin Abath a pidi pa suspender e reunion te dialuna y cu Watty Vos ta para 100% su tras, OLA a laga Henny Eman sa cu ta chansa nan ta chansa pero na un emisora nan a ataca AVP casi mey ora largo yamando nan pa abusador, hendenan sin palabra etc.

PARA VIAHENAN DI TRABAO


Oduber a muestra cu un otro medida cu Tico Croes a anuncia ta e paramento di viahenan di trabao. E ta haya cu Tico Croes mester cuminsa investiga cuanto viahe di trabao e mes a bay Hulanda etc. y cuanto miyon e 7 minister nan a gasta desde 1994 te cu awe cu ta mas cu 6 miyon florin den 3 aña y mey.

Cada vez cu minister di AVP/OLA viaha ta bay un gran cantidad di coordinador, bode, secretaria y amigonan. Segun Oduber, tin un viahe pa Grecia caminda casi henter su famia a bay. Tin minister a pasa mas den exterior cu na Aruba ta traha, anto awor Tico Croes lo para nan di subi avion.

Tempo lo muestra cu e minister tin e disponibilidad aki y si e ta serio pa para e keiramento, unda tin minister a viaha rond mundo caba.

MEP lo bay vigila y controla e minister con sincero e ta cu pueblo, pasobra pa bo drecha mundo bo mester cuminsa cu bo mes.

Edificio Historico por worde admira caba den su totalidad



ORANJESTAD (AAN) -- Conforme e trabao di reconstruccion di e edificio historico na Wilhelminastraat ta sigui den su etapa final, por mira cu mas claridad e excelente calidad di trabao cu a worde desplega.

Awor cu por pasa bek riba e hanchi di Schoolstraat por observa mehor e edificio completo, admire den su totalidad, y constata cu ta un preciosidad, un joya di edificio sin duda algun.

E ministerio cu a keda encarga cu e proyecto, Oficina di Monumento y e obreronan (expertonan local den su mayoria) mester ta hopi satisfecho y orguyoso di e logro aki, cu hasta ta haci hende lubida e panorama mahos cu pa hopi aña largo tabata un verguena nacional.

"Querer es poder" un refran ta bisa, y e reconstruccion di di-

cho edificionan ta prueba cu y calidad, tur cos por worde a base di boluntad, capacidad, logra.

AVIS RENT A CAR TA BENDE:



Ford Truck



Awg. 2.500,=

Toyota Tercel '95 autm., a/c., Awg. 16.500,=

Suzuki Samurai Jeep 4x4 '93 Awg. 4.500,=

GMC-Blazer pa pieza Awg. 1.500,=

Motor Nissan Sunny Awg. 800,=

Hyundai Mini Van std., a/c., Awg. 30.000,=

Generator 40KWA Awg. 3.000,=

AS Aruba N.V.

BO A PENSA CABA Ariba Aña 2000?

Nos ke a invita tur nos clientenan y tambe tur personanan involvi den maneho di sea automatizacion of administracion pa un merdia informativo.

AS Aruba ta organisa un EXPO na unda lo wordu treci dilanti e problema administrativo actual, si nos ta cla pa aña 2000?!

Na e EXPO aki bo por mira nos productonan di software administrativo actual, tanto pa DOS como pa WINDOWS, esta **Grote Beer, Exact, Payroll Pro** y nos sistema di informacion di personal, **PI-2000**. Tur nos productonan ta cla pa aña 2000!!!

Bin mira nos productonan - sin ningun obligacion den un ambiente trankil y ameno - na unda bo por convene bo mes cu usando nos productonan lo bo no tin preocupacion aki.

Fecha di EXPO: 24 di juni 1998

Ora: 13.00 - 17.00

Lugar: Curacao Room, Americana Hotel

Nos lo aprecia si bo inscribi bo mes via nos telnr.837072 durante oranan di oficina cu bo lo ta bai ta presente prome cu e dia EXPO.